



Uunga: Inatsisartunut ilaasortaq, Jens Napātôk', Naleraq

Ulloq: 04-09-2026
Suliap normua: 2026 - 12914

Postboksi 260
3900 Nuuk
Oqar. (+299) 34 50 00
E-mail: miin@nanoq.gl
www.naalakkersuisut.gl

Kalaallit Nunaanni politiit tjenestemanditut atorfillit pillugit § 37 naaportorlugu apeqqummut nr. 117-imut akissut

Jens Napātuumut

Apeqqutinnut qujanaq. Apeqqutit ataani issuarneqarput, akissummillu malitseqartinneqarlutik. Akissutitut Inatsiseqarnermut ministereqarfimmit paasissutissanik pissarsisoqarpoq.

1. Naalakkersuisut ilisimavaat Kalaallit Nunaanni politiit tjenestemanditut atorfillit arlallit suli akissarsiatigut, atorfinitsitaanermi atugassarititaasutigut soraarnerussutisiaqarnermullu tunngatillugu pitsaangorsaatinik, inatsit ulloq 1. april 2026 atuutilermat atuutilersinneqartussatut nalunaarutigineqartunik, suli tamakkiisumik misigisaqanngitsut?

2. Politit tjenestemandiisa Kalaallit Nunaanni atorfillit pillugit naligiissitaanissamik isumaqatigiisummi immikkoortut suut ullumikkut atuutilersinneqarsimappat, aammalu immikkoortut suut suli atuutilersinneqarnissaat utaqqineqarpat?

3. Atuutilersitsineri kinguaattoornerit pissutaasut suut Naalakkersuisut nalilerpaat?

Apeqqutit 1-imiit 3 ilanngullugu akinissaannut, Inatsiseqarnermut ministereqarfimmit paasissutissanik pissarsisoqarpoq, taakkulu ataani issuarneqarput.

“Apeqqutit akineqarnissaannut atugassanik, Inatsiseqarnermut ministereqarfik Rigspolitiiniit oqaaseqaatinik pissarsisimavoq, taakkulu tulluuttut ilisimatitsissutigaat:

”Kalaallit Nunaanni tjenestemanditut atorfimmi atugassarititaasut naligiissinneqarneqarnissaat pillugit isumaqatigiisut politiini tjenestemanditut atorfilinnut atortuulersinneqarpoq. Akissarsiat allanngortinneqarneri 2026-imi juulip naanerani akissarsitsineri atortuulersinneqarput – taakkulu kingumoortumik 1. april 2026-imit atuuttuulersinneqarput, tassani isumaqatigiisut atuutilermat. Tamatuma saniatigut akissarsiat aamma piffissaq suliffiusoq pillugu qitiusumik aamma najukkani isumaqatigiisutit assigiinngitsut

taamatuttaaq atortuulersinneqarput. Piffissaq suliffiusoq pineqartillugu it-kkut ikorfartorneqarneq suli naammassineqanngilaq, taamaammat tamanna, it-kkut aaqqiinerup inissinnissaata tungaanut, assaat atorlugit isumagineqartarpog. Piffissami ikaarsaariarfiusumi ullut sulinngiffeqarfiusut immikkut ittut aamma Kalaallit Nunaanni naalagaaffiup tjenestemandiitut sulinngiffeqarnerisutit immikkut ittut isumagineqarnissaat pillugit Medarbejder- og Kompetencestyrelsen og Centralorganisationernes Fællesudvalg-ip (CFU-p) isumaqatigiissusiornissaa Rigspolitiit utaqqivaat, tassami Kalaallit Nunaanni ullut sulinngiffeqarfiusut immikkut ittut aamma sulinngiffeqarnerisutit immikkut ittut Danmarkimut naleqqiullugit ulluni allani massakkumut tunniunneqartarmata.

Naalagaaffiup akissarsianut systemiini kiisalu naalagaaffimmi sullissisuni allani, Kalaallit Nunaanni tjenestemandinik atorfilittaqtuni, politiit systemiini Økonomistyreلسip kodelersuinissaa akissarsiat allanngortinneqarnerisa atortuulersinneqarnissaasa utaqqisimammassuk, tamatuma saniatigut Rigspolitiit ilisimatitsissutigisinnaavaat. Sapaatip akunnerani nalunaaquttap akunnerini 37-ini sulisarnerup kiisalu najukkani sulinermi malittarisassat it-kkut atortuulersinneqarnissaannut suliassaq tassaavoq suliassaq annertoog, tassanilu politiit avataanit programmiliortartunik atuinissaq pisariaqartissimavaat. It-mit ikorfartorneqarnerup inaarutaasumik inissinneqarnissaata tungaanut, malittarisassat nutaat assaat atorlugit isumagineqassapput.”

4. Naalakkersuisut danskit naalagaaffiat aammalu Rigspolitiet qanoq aalajangersimasunik suliniuteqarsimappat, neriorsuutigineqartutut pitsanngorsaatis tamakkiisumik aammalu kinguaattoorfiunngitsumik atuutilersinneqarnissaat qulakkeerniarlugu?

Kalaallit Nunaanni inatsisit atuutsinneqarnerannut suliassaqarfiup ineriartortinneqarnissaa aamma suliassaqarfimmut politikikkikut isumaqatigiissutit naammassineqarnissaat, matumani Kalaallit Nunaanni politiini tjenestemanditut atorfilinnut atugassarititaasut naligiissinneqarnissaat ilanngullugit, Naalakkersuisut Inatsiseqarnermut ministereqarfimmik ingerlaavartumik oqaloqatiginnittarput.

Naalagaaffimmi politiini tjenestemanditut atorfilinnut akissarsiatigut- aamma atorfinitsitaanermi atugassarititaasut qallunaat naalagaaffiata akisussaaffittut suliassaqarfiata ataaniipput, aamma naalagaaffimmi oqartussaasut tassaapput inatsisiliornerit aamma isumaqatigiissutit isumaqatigiissutigineqarsimasut piviusut atulersinneqarnissaannut akisussaasuussut.

Kalaallit Nunaanni politiini tjenestemanditut atorfilinnut sulinerminni atugassarititaasuni pitsaasumik atugassaqtartaneq, atorfinitsitsisarneq aamma

sulisoqaannarnissaq tassunga ilutigalugu suliarni tassani, taakku inuiaqatigiinnitsinni toqqissisimanerup qulakkeerneqarnissaanut suliarisaannik ersersitsinissaat, Naalakkersuisunut annertuumik pingaaruteqarpoq. Isumaqatigiissutinut isumaqatigiissutigineqarsimasunut aamma Kalaallit Nunaanni inatsisit atuutinneqarnerannut suliassaqrarfiup suli patajaallisarneqarnissaa pillugu suleqatigiinnermut tunngatillugu, atugassarititaasut taakku pitsanngorsarneqarnissaat Naalakkersuisut aamma Inatsiseqarnermut ministereqarfiup akornanni oqaloqatigiittarni taamaammat aamma ilaasrput.

Suliassaqrarfiimmud isumaqatigiissutit isumaqatigiissutigineqarsimasut, matumani suliniutit allat, politiinut unnerluussisussaataasunullu 2026-imiit 2030 ilanngullugu ukiunut arlalinnut isumaqatigiissutip malitsigisai ilanngullugit, tassunga atatillugu naatsorsuutigineqartut naammassineqarnissaat Naalakkersuisut naatsorsuutigaat.

Inussiarnersumik inuulluaqqusillunga

Mariane Paviassen Jensen

Mariane Paviassen Jensen